



CENTRI SUCIALI MUNICIPALI DI A CITÀ D'AIACCIU

*Strutture accittate Accolta Cullitiva di i zitelli da a Dirizzione Dipartimintale di a Cuesione Suciale è di a Prutizzione di e Pupulazione (DDCSPP)
Dirizzione Dipartimintale di a Giuvintà è di i sporti*

Rigulamentu internu

I Centri Suciali municipali sò gersi da funziunarii municipali aiutati da intarvinanti vacatarii è binevulenti.

Accoglienu, informanu, aiutanu ogni parsona in brama di riceve un'infurmazione, un sirviziù senza mai fidighjà l'ità, l'origine, a riligione o u sessu.

I centri suciali pruponenu attività è animazione chì si ponu fà nentru o fora da i so scagni. I centri suciali sò attori di a vita suciale di a cumuna.

Par via di i so prufessiunali stanu à sente i citatini, sustegnanu e iniziative di tuttu ognunu è porghjenu un aiutu da mette in ballu sti prugetti.

I centri suciali sviluppeghjanu partinariati è azzione cù l'altri sirviziù municipali, cù i sirviziù d'altre cullitività pubbliche è cù l'associ lucali.

Accittati da a Cascia d'Allucazione Familiare, i centri assureghjanu 5 missione fundamintale (CNAF de juin 2012) :

- Sò arnesi di quartieri à vucazione suciale.
- Sò arnesi à vucazione familiare è plurigenerazionale.
- Sò lochi d'animazione di a vita suciale.
- Sò lochi d'intervinzione suciale nuvelle è cuncirtate.
- Favuriscenu è sustenenu a partecipazione di a ghjente à u scambiu suciale.

ARTICULU 1 – Adesione

L'adesione impone a validazione di stu rigulamentu internu. L'adesione hè annuale da u 1 i ghjinnaghju sin'à u 31 di dicembre è u so prezzu hè sceltu da u Cunsigliu Municipale.

A scrizione à un'attività urganizata da u centru suciale (attelli, surtite, manifestazione, altri sirviziù....) impone un'adesione capunanzu à u centru suciale.

Durante l'adesione di u zitellu o di u giuvanottu, i parenti avaranu da dà a scheda sanitaria, a scheda di scrizione è l'attestazione d'assicurazione. I membri di un associu chì impieca i scagni avarà da aderì à nome soiu à u centru suciale è diventarunu tandu membri anch'elli di u centru suciale. S'ella ùn hè fatta, tutte e spese liate à l'occupazione di i scagni municipali saranu fatturate à l'associu sicondu à e tariffe vutate da u Cunsigliu Municipale.

ARTICULU 2 – Tariffe di l'attelli è animazione.

A cutizzazione dà drittu à l'attività è animazione gratise à i so membri. À e volte (attelli, surtite, viaghji, sirate, cene...) una partecipazione finanziaria pudarà esse dumandata à l'aderenti.

Tariffe :

- Carta d'adesione annuale : individuale : 10€ ; famiglia : 18€
- Carta vacanze : 10€ (par ogni vacanza è par omu)

ARTICULU 3 – Rigulamentu di a cutizzazione è di a partecipazione à certe attività

U incasciamentu di e partecipazione si face inde i scagni di u centru suciale. Mai un pagamentu ùn sarà accittatu annant'à i lochi d'animazione.

ARTICULU 4 – Cundizione di partecipazione à un attellu, à un'attività

Da pudè participà à l'animazione, attelli è surtite, ci vole à iscrivesi innanz'à e date fissate da u centru suciale.

ARTICULU 5 – Lista d'attesa

E piazze ponu esse poche è limitate pà certi attelli (es : attellu infurmatica / numaru di i posti infurmatici), pà certe surtite (sicondu e piazze di u trasportu) o sicondu à l'animatori prisenti (1 animatore pà 12 zitelli). In casu ch'ellu ùn ci fussi più piazze à u mumentu di a vostra scrizione, una lista d'attesa vi sarà pruposta in casu ch'ella si libaressi una piazza.

ARTICULU 6 – E surtite

Da pudè urganizassi, u centru suciale deve cunnosce u numaru pricisu di i partecipanti par ogni surtita. Hè cusì ch'ella vi hè dumandata d'iscrivevi innanz'à a data limita. Par e surtite di i zitelli è i giuvanotti, i parenti avaranu da :

- veste è calzà i zitelli pà l'attività spurtive
- privede una mutenda inde u saccu, una baretta è da beie.
- privede l'acqua, una spuntinata è/o un visparinu.

L'ogetti parsunali stanu sottu à a rispunsabilità di i zitelli.

Durante l'annata, u centru suciale urganizeghja ghjurnate d'attività parenti/zitelli. Tandu i zitelli saranu sottu à a rispunsabilità di i parenti.

ARTICULU 7 – L'attellu infurmaticu

Inde u quattru di l'attellu infurmaticu, di l'attellu impiecu, di l'aiutu à a scularità, u centru suciale mette posti infurmatici cunnetti à internet à a dispusizione di i citatini. Ogni parsona hè tinuta di rispittà e cunsigne di u rigulamentu internu di l'attellu infurmaticu.

ARTICULU 8 – Zitelli malati

Da prutege à l'altri, u centru suciale ùn accoglierà micca i zitelli malati chì t'anu bisognu di una prisenza individuale è alcuna medicina ùn sarà data senza u refice di u duttore. In casu di malatia chjappa à u centru suciale, u direttore chjamarà u rispunsabile legale di u zitellu da sceglie insieme a miglior suluzione. U direttore pò dumandà à i parenti di vene circa u zitellu sì u so statu l'impone. In casu d'accidente, i pumpieri è i parenti saranu subite chjamati.

ARTICULU 9 – Accumpagnamentu à a scularità

I zitelli saranu accolti dopu à a scola da 4 ore è mezu sin'à 6 ore è mezu. Tuccarà à i parenti di dà un'assicurazione strasculare. Durante l'accumpagnamentu à a scularità, l'animatori sò rispunsabili di i zitelli sin'à l'ora di surtita di questi quì. Dopu à l'accumpagnamentu, tuccarà à i parenti di truvà i mezi di trasportu da parmette à i zitelli di pudè rientre in casa soia.

ARTICULU 10 – Assicuranza

Da pudè participà à l'attività è à l'animazione di manera sirena, ogni aderente deve sottoscrive à un'assicurazione rispunsabilità civile.

ARTICULU 11 – Rispunsabilità

Mai a Cità d'Aiacciu ùn sarà rispunsabile di l'ogetti parsunali sciappati o furati durante l'attelli, l'attività, e surtite o l'animazione.

ARTICULU 12 – Sicurezza

Hè dumandata à i cittadini di rispittà u regulamentu generale d'igiene è di sicurezza. Da pudella fà, tocca à ognunu di piglià cunniscenza di e regule di sicurezza affissate inde u centru.

ARTICULU 13 – Rispetto di e regule di vita in culltività

U publicu hè tinutu di rispittà u calmu è u sapè campà di pettu à u parsunale di u centru sociale è di l'altri citadini. Sarà dumandata à tutti d'esse assistatu bè. U direttore di u centru sociale sarà in capacità di mette fora ogni parsona chì parla, scrive o si cumporta di manera scrianzata è irrispituosa.

ARTICULU 14 – Sanzione

Par ùn esse micca messu fora annant'à u fattu, hè difesa :

- Di fumà,
- Di sciappà a mubiglia è i documenti
- Di straccià o di scrive annant'à i libri
- D'impicà un arnese chì face troppu rimore pà l'altri

Fora di i ghjacari di guida par i cechi, l'animali ùn saranu mai accittati inde u centru sociale. In casu di scluzione, a cutisazione ùn sarà micca resa. In casu chì u materiale fussi furatu o sciappatu, a Cità d'Aiacciu si riserva u drittu di purtà una lagnanza, da esse rimbursata da u rispunsabile di i fatti.

ARTICULU 15 – Matiriale è scagni

U materiale stallatu inde u centru sociale deve esse tinutu bè da quelli chì si ne ghjovanu. Ùn si pudarè ghjuvà nimu di i scagni (riunione, corsi, cullocu...) senza avè signatu prima una cunvinzione cù u centru sociale è u so direttore.

ARTICULU 16 – Rilazione cù l'associ

U scopu di u centru sociale hè di sviluppà un'animazione glubale inde u quartieru è di tesse liami strinti cù l'associ. Ogni associu chì vole ghjuvassi di i scagni avarà da pagà a cutisazione individuale par signi aderenti. Tandù saranu membri anch'elli di u centru sociale è avaranu i listessi dritti cà tutti l'altri membri di u centru sociale.

L'associ partinariii sò prisintati à u Cumitatu di i beneficiarii è participaranu à a vita di u centru sociale.

ARTICULU 17 – Annulazione d'attelli o d'attività

Sicondu à e certe circunstanze , u centru sociale pò mudificà o annullà una programmazione privista. Ognunu sarà infurmatu à u più prestu.

ARTICULU 18 – Alizzazione à u Cumitatu di i beneficiarii

Ogni aderenti di u centru sociale chì hà pagatu a so adesione si pò prisintà à u Cumitatu di i beneficiarii è participà à u scrutinu. E date di l'alizzazione saranu dette à tuttu ognunu in tempu è ora.

ARTICULU 19 – Drittu à a maghjina

Da pudè fà a prumuzione di e so attività è animazione, u centru suciale pò esse purtatu à ghjuvassi di e fottò di l'aderenti (situ internet di a Cità, ghjurnale di i beneficiarii, filmi...). Ogni parsona ch'un vole micca dà i so dritti à a pubblicazione a deve dì à u parsunale di u centru suciale. Un'autorisazione sarà dumandata à i parenti di i zitelli è i giuvanotti.

***Ogni aderenti di u centru s'ingagia à leghje è à rispittà stu
regulamentu internu.***